

Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. August 1999-imeersoq

Kommunalbestyrelsit, nuna qarfinni aqutsisut il.il. pillugit Inatsisartut inatsisaanni nr. 20-mi 3. november 1994-imeersumi Inatsisartut inatsisaatigut nr. 6-ikkut 12. juni 1995-imeersukkut allanngortinneqartumi § 48 tunngavigalugu kommunit naatsorsuutaanni Namminersornerullutik Oqartussat kontuisa kukkunersiorneqartarnerat pillugu makku aalajangersarneqarput:

§ 1. Kukkunersiuinermi aningaasartuutit isertitallu kommunip utertitatut tapiissutitullu Namminersornerullutik Oqartussanit tigusartagai imaluunniit kommunip Namminersornerullutillu Oqartussallu akornanni akilee qatigiissutigineqartartut allat tamarmik kukkunersiuinermi ilaatinneqarput.

§ 2. Naatsorsuutit pissusiviusunik ilumut takutitsisuunerat, aningaasanik ingerlaartsitsinerit naatsorsuutiniq saqqummiussinermi ilaatinneqartut aningaasaliissutinut, inatsisinut maleruaqqusanullu allanut ilumut naapertuuttuunersut kukkunersiuinermi paasiniarneqartassaaq, matumani Namminersornerullutik Oqartussat kontulersuinermit ilitersuutaasa kiisalu isumaqatigiissutaasimasut nalinginnaasumillu periusaasartut ilumut malinneqarnerisa paasiniarneqarnerat ilanngullugu eqqarsaatigalugu.

Imm. 2. Ukiup ingerlanerani kukkunersiuinermit atatillugu angalanerit kommunip suleriaasii, kommunip iluani nakkutilliineq suliassa qarfinnilu susassa qarfiusuni sulianik ingerlatsineq kukkunersiuusut misissuiffigisassavaat, matumani qarasaasianik ingerlatseriaatsit atorneqartut ilumut toqqissimanartuunersut misissorneqarnerat ilanngullugu eqqarsaatigalugu.

§ 3. Namminersornerullutik Oqartussat eqqarsaatigalugit akiliisitsiniarnerit akiliisarnerilluunniit kommunit nalunaarsuutaannut utertitsinermiluunniit qanoq amerlatigisut akilerneqartarnissaannik aalajangersakkanut isumaqatigiissutaasunulluunniit ilumut naapertuuttuunersut kukkunersuisut misissortassavaat. Aammattaaq Namminersornerullutik Oqartussanut ilumut ingerlaavartumik akiliisitsiniartoqarlunilu akiliisoqartarsimanera kukkunersuisut misissortassavaat, matumani periutsit eqqortumik piffissakkaanut agguataarinermik qulakkeerisut ilumut pilersinneqarsimanerat ilanngullugu eqqarsaatigalugu.

§ 4. Suliassa qarfinni Namminersornerullutik Oqartussat kontuini inuit ataasiakkaat aqqi atorlugit naatsorsuusiorfiusuni, imaluunniit utertitsissutit, tapiissutit allatigulluunniit akiliutit inuit aqqi tunngavigalugit kommunit naatsorsuutaannut allatorneqarfiini kukkunersiuineq inuit ataasiakkaat pillugit suliassat naleqquttumik amerlassusillit tigulaariffigalugit kukkunersiorneqartarnerisigut ingerlanneqartassaaq.

Imm. 2. Imm. 1 tunngavigalugu kukkunersiuigassanik tigulaarinermi inuit ataasiakkaat pillugit

suliassat nutaat aalajangersimasunik amerlasasusilinnik naliliinikkulluunniit amerlassusilikkanik pisartagaqalersivisusimasut immikkut pingaartillugit isiginiarneqartassapput. Aammattaaq tigulaariffigisassanik immikkoortitsinermi pingaaruteqarnerisuineq aallaavigineqartassaaq, tassanilu pissutsit aningaasaqarnermut, suliassanik suliarinninnermut, aalajangiinerni pingaaruteqartutut tunngaviusut najukkaniluunniit pissutsinut tunngassuteqartut aallaavigineqartunut ilaatinneqarsinnaallutik.

Imm. 3. Suliassa qarfiit innuttaasut aningaasaqarnerannik tunngaveqarpata suliassap pilersinneqarnerani pisariaqarneralu naapertorlugu suliassap malinnaavigineqarnerani paasisutissat aningaasaqarnermut tunngasut oqartussanit allanit ilumut pissarsiariniarneqartarsimanersut kukkunerisuiusut misissortassavaat.

Imm. 4. Suliassat suliarineqarnernerini oqartussat aalajangiisussaataasut naammagittaalliuuteqartarfiillu tunngaviusumik aalajangigaat isiginiarneqartarsimanersut kukkunerisuiusut misissortassavaat.

Imm. 5. Akiliisitsiniarneq pillugu suliassani tamanna pillugu inatsisit aqutsinermulu allaffissornikkut maleruaqqusat malillugit ilumut akiliisitsiniartoqartarsimanersuq kukkunerisuiusut misissortassavaat. Tamatumunnga atatillugu pisassarisanik akilersinniarneqarsinnaajunnaarsimasunik kommuniq annaasatut isumakkeerinerani maleruaqqusat atorneqarsimasut kukkunerisuiusut naliliiffigisassavaat.

§ 5. Namminersornerullutik Oqartussat suliassa qarfiutaanni ukiumoortumik naatsorsuutininik nassiussisoqartarnissaanik aalajangersaavivisusimasuni naatsorsuutit taakku ilumut kukkunerisiorneqarsimanerat kukkunerisuiunerullu kukkunerisuiinermi pitsaasumik ileqqulersornissaq naapertorlugu ingerlanneqarsimanera pillugit kukkunerisuiusut oqaaseqaataannik ilaqartinneqartassapput.

§ 6. Kukkunerisuiusut oqarpata aningaasat utertillugit akiligassanngorlugit kukkusumik nalunaarutigineqarsimasut, amerlavallaanik tapiissuteqartoqarsimasuq imaluunniit kukkusumik akiliisitsisoqarsimasuq, aningaasani kingusinnerusukkut utertillugit akiliutigineqartussatut nalunaarutigineqartut tapiissutitut allatulluunniit akiliutitut ilumut tunniunneqarsimanissaat kukkunerisuiusut misissortassavaat.

§ 7. Kommuniq naatsorsuutaanik allanik kukkunerisuiueq pillugu nalunaarutip saqqummiunneqarneranut atatillugu kingusinnerpaamillu tamatumunnga peqatigitillugu nalunaarut manna tunngavigalugu kukkunerisuiueq pillugu immikkut nalunaarusiaq saqqummiunneqartassaaq.

Imm. 2. Nalunaarummi tassani kukkunerisuiueq ingerlanneqarsimasuq pissutsillu oqaaseqaateqarsimanermut pissutaasutut pingaaruteqartut aamma nassuiaammi ilanngunneqartassapput. Pissutsit tunngaviusumik aningaasaqarnermulluunniit pingaaruteqartut kukkunerisuiusut immikkut oqaatigineqartariaqartutut pissutissaqartitaat nassuiarneqartassapput, matumani malittarisassat atuuttut qanoq paasineqarnissaannik nassuiaaniarnermi nalornisooruteqarfiusut ilanngullugit eqqarsaatigalugit.

Imm. 3. Nalunaarummi tassani § 4 tunngavigalugu tigulaaraluni misissuinerup annertussusia misissuinermilu paasisat nassuiarneqartassapput.

Imm. 4. Nalunaarut taanna kukkunerisuiunerup kukkunerisuiinermi ileqqorissaarnissaq naapertorlugu ilumut ingerlanneqarsimanera pillugu kukkunerisuiusut oqaaseqaataannik ilaqartinneqartassaaq.

§ 8. Nalunaarut § 7-imi taaneqartoq kukkunersiuisut oqaaseqaataannut pisariaqarpat akissutinik ilaqtartillugu kommunalbestyrelsip Namminersornerullutik Oqartussani Qitiusumik Naatsorsuuserisoqarfimmut nassiutissavaa. Atortussat taakku kalaallisuui danskisuuilu tamaasa immikkut marlungorlugit nassiunneqartassapput. Tamatumunnga peqatigitillugu kukkunersiuisut oqaaseqaataannut akissuteqaateqartoqassappat akissuteqaatit kukkunersiuisunut nassiunneqassapput. Atortussat taakku kommunip naatsorsuutasa kukkunersiorneqarnerat pillugu nalunaarutip il.il. Kommunit Nakkutilliisoqarfiannut nassiunneqarneranut atatillugu kingusinnerpaamillu tamatumunnga peqatigitillugu nassiunneqartassapput.

Imm. 2. Kukkunersiuiineq pillugu nalunaarutit Namminersornerullutik Oqartussanit misissorneqartassapput isummerfigineqartassallutillu. Tamatuma kingorna apeqqutit utertitsilluni akiliinermut, tapiissutinut akiliutinulluunniit allanut pingaaruteqartut kiisalu misissuineq tunngavigalugu ilitsersuusiarineqarsimasumut tunngasut Namminersorlutik Oqartussat apeqqutigissavaat.

§ 9. Nalunaarut manna tamanut ilisimatitsissutigineqarnermini 1. januar 1999 aallarnerfigalugu atuutilerpoq.

Namminersornerullutik Oqartussat, ulloq 23. August 1999.

Jonathan Motzfeldt

/

Solja í Ólavsstovu